

序 一

近世社會科學日益進步，凡政治經濟等有關眾人之事，多於執行之先，擬具計劃，按照執行，此並世文明各國一般之趨勢也。夫周詳之計劃，實有賴於正確之統計，故今日之治社會科學者，無不重視統計，以其與政治經濟有不可分離之密切關聯也。惟我國公務人員輒喜閱讀文章，厭煩統計數字；是以爲政專憑經驗，逞臆而斷，缺乏科學根據，循致失時誤事，而使國家民族受不可補償之損失。

今也正值建國開始之際，計劃重於一切，吾人誠宜力戒前非，務須特別重視統計數字，始得爲計劃政治與計劃經濟奠定穩固之基石。本公署統計室所編「臺灣省五十一年來統計提要」，蓋爲日人時代統計資料之總清算，亦爲光復以後本省重視統計述作之標誌。此項提要係根據日方資料所編成，其中魚魯豕亥，在所難免。深盼讀是輯者仔細研覈，競謀校正，一以協助本省統計事業之正確性，一以養成個人善讀數字之好習慣；則公私兩益，均大有助於建國之成功者也。

陳 儀 三十五年十一月二日於臺北官舍